


國立故宮博物院珍藏



清代起居注冊

咸豐朝

第八冊



國立故宮博物院珍藏

清代起居注冊

咸豐朝 第八冊

咸豐二年七月上……	四一五九
咸豐二年七月下……	四三一五
咸豐二年八月上……	四四二九
咸豐二年八月下……	四五七一
咸豐二年九月上……	四六八九
咸豐二年九月下……	四八一五

清代起居注冊——咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT \$ 86,000.00

72 · 12 · 0650

· 8900718 ·

清代起居注冊

咸豐朝第八冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六—二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部壹萬八千〇〇〇元

咸豐二年歲次壬子七月初一日己酉

上詣

太廟行禮

詣綺春園請

皇貴太妃安

駕還圓明園是日內閣奉

諭旨李芝昌奏舊疾復作懇請賞假調理一摺李

芝昌著賞假三箇月安心調理閩浙總督著王
懿德兼署又奉

諭旨給事中袁甲三覆奏定郡王載銓廣收門生
一摺據稱載銓曾繪息肩圖一卷題詠甚多凡
屬門生皆係師生稱謂著載銓將所繪息肩圖
卽行呈進是日

起居注官德瑛晉康汪振基吳保泰

初二日庚戌內閣奉

諭旨李德奏防捕不力之文武員弁一摺山東膠州知州張同聲膠州代行使目張延焜專汛把總王克聰署樂安縣知縣楊延俊專汛把總徐振川於各該州縣境內一夜被盜連劫兩家之案事前既疎於防範迄今日久賊盜無獲緝捕實屬廢弛膠州事主張僑家數月之內兩次被

劫該州地方捕務尤屬疎玩張同聲張延焜王
克聰楊延俊徐振川均著交部分別嚴加議處
張同聲並著先行摘去頂帶仍勒限飭令各該
員弁上緊緝拏限滿無獲再行嚴叅懲辦餘著
照所擬辦理該部知道又奉

諭旨李德奏叅搶劫拒捕未經獲犯之文武員弁
請旨分別摘去頂帶議處勒緝開單呈覽一摺

山東省為南北通衢緝捕最關緊要近來搶劫
拒捕重案層見疊出賊盜無獲總由地方文武
平日因循廢弛於捕務毫不講求甚至差役人
等串匪分肥抑勒事主以致盜風日熾若不亟
行整頓何以除匪類而安善良所有詳報各案
時日較久及情節較重之德州知州汪封渭德
州專汛千總龔鉢陵縣專汛把總朱起麟禹城

縣知縣史性仁禹城專汎千總龐杲臨邑縣知
縣余鎮溶臨邑專汎把總黑鵬烈堂邑縣知縣
屠道彰堂邑專汎把總崔奇峰陽穀縣知縣王
言陽穀專汎把總馬豐阿鄒縣知縣吳奏言署
鄒縣專汎把總羅福齡蘭山縣知縣張應翔專
汎把總宋傳瑛趙大興費縣專汎把總張志遠
泗水縣知縣李著署泗水專汎把總楊萬山均

著摘去頂帶史性仁龐杲余鎮溶黑鵬烈王言
馬豐阿張應翔宋傳瑛趙大興張志遠仍交部
照例議處均著勒限兩箇月嚴拏贓盜務獲究
辦逾限無獲卽著嚴叅懲處此外如有諱盜為
竊抑勒事主等情並著該撫查明叅辦毋稍姑
容餘著照所擬辦理該部知道單併發是日兵
部題議覆兩廣總督徐廣縉題廣東達濠營

守備李亮請與水師提標右營守備顏炳文
對調一疏奉

諭旨李亮等依議調補餘依議是日正白旗滿洲
奏補佐領一缺將正陪人員帶領引

見奉

諭旨著擬正防禦克克森布補放佐領擬陪防禦
巴呢泰著記名是日

起居注官訥爾濟吳保泰

初三日辛亥內閣奉

諭旨朕於八月初五日舉行秋仲經筵親祭

傳心殿所有一切典禮著各該衙門照例豫備

又奉

諭旨朕於本月十一日由圓明園啓鑾十四日祇

謁

東陵禮成後十五十六日駐驛隆福寺行宮二十日
回圓明園所有應行事宜著各該衙門照例敬
謹豫備又奉

諭旨車林多爾濟奏因病懇請賞假調理一摺著
照所請車林多爾濟著賞假四箇月調理其所
署烏里雅蘇台將軍印務著參贊大臣善燾署
理又奉

諭旨刑部題駁河南息縣民人葉螞蝦糾毆葉玉章未遇砍傷葉荒身死一案所駁甚是此案葉螞蝦與葉連雙平素結捻訛詐鄉民葉連雙等曾向葉玉章訛詐得贓四次葉玉章為人良懦既經屢被訛詐豈有復向葉螞蝦借用土坯屢索不還之理况該犯前往葉玉章家尋毆葉玉章之子女姪等均係幼孩齊向推擁該犯儘可

用言嚇唬何遽持刀亂砍且砍傷一人亦當住
手乃竟連砍幼孩三人多在致命處所葉荒以
傷重殞命該犯尚不卽時逃逸又將葉玉章之
妻刁氏砍傷是該犯以結捻匪徒訛詐不遂逞
兇故殺幼孩情節顯著豈得任聽狡展遽依同
謀共毆人致死律僅擬絞候致滋輕縱著交陸
應穀親提犯證按照部駁情節逐層嚴訊務得

確情按律定擬具奏毋稍徇縱又奉

諭旨徐廣縉奏勦辦波山艇匪全股殲除一摺波
山艇匪竄擾潯梧一帶人衆船多為日久茲
經徐廣縉督飭高廉道沈棣輝參將劉開泰等
帶領兩省兵勇於上下游合力夾攻三次獲勝
該匪駛至蒼梧縣屬之戎墟江面參將崔大同
候補知府郭超凡等管帶兵勇乘風迎擊誘匪

用木排抗拒我軍兩路槍礮齊發奮勇爭先署
都司楊雄超千總鄭大經首先點放三千斤大
礮將最大匪船擊壞該匪轉蓬回竄我軍併力
追擊匪船多被礮火焚燒竄逃無路紛紛赴水
生擒賊匪二百三十二名擊斃及淹死者約計
一千餘名燒燬賊船大小七十六隻奪獲五十
七隻起獲大礮一百七十一位小礮三十三門